


Early European Books, Copyright © 2011 ProQuest LLC.
Images reproduced by courtesy of Koninklijke Bibliotheek, Den Haag.
508 J 65 [1]



Early European Books, Copyright © 2011 ProQuest LLC.
Images reproduced by courtesy of Koninklijke Bibliotheek, Den Haag.
508 J 65 [1]



Early European Books. Copyright © 2011 ProQuest LLC.
Images reproduced by courtesy of Koninklijke Bibliotheek, Den Haag.
508 J 65 [1]



Early European Books, Copyright © 2011 ProQuest LLC.
Images reproduced by courtesy of Koninklijke Bibliotheek, Den Haag.
SOB J 65 [1]



Early European Books, Copyright © 2011 ProQuest LLC.
Images reproduced by courtesy of Koninklijke Bibliotheek, Den Haag.
SOBJ 65 [!]



Early European Books, Copyright © 2011 ProQuest LLC.
Images reproduced by courtesy of Koninklijke Bibliotheek, Den Haag.
508 J 65 [1]

ORATIO
FUNEbris,
Recitata in Exsequiis

Amplissimi & Gravissimi Viri,
ULRICI HUBER,
Supremæ Frisiorum Curiæ Ex-Senatoris; Juris-
Consulti Eruditissimi ac Celeberrimi:

A

CAMPÉGIO VITRINGA,
SS. Th. & Hist. Sacr. Professore.

A. D. XIII. Kal. Dec. Anni MDCXCIV.



FRANCÆ
Apud LEONARDUM STRICKIUM,
M D C C.





Uæ subsit cauſſa , Audd. quod hoc ex Suggesto pullatus extra ordinem prodeat Orator ; quod hoc in Templo , aliàs suavissimis resonante concentibus , ac lœtantium jubilis atque adspectibus illustrato , mœsti nunc & defixi videantur vultus , submissæ vocis audiantur murmura , tristes canantur næniæ : Vestrum nemo ignorat . ULRICUS HUBERUS , Jureconsultorum nostri temporis omnium Judicio maximus , precipuum Ordinis Professorii hujusque Academiæ decus ; Ornamentum Frisiæ Gentis ; ipsius quoque Ecclesiæ , quod rarum est de Jureconsulto prædicari , lumen ; Florentissimæ denique Familiæ suæ columen ; Academiæ , Patriæ , Ecclesiæ , Familiaæ suæ , acerbo atque inopinato fato ereptus est . Excessit enimverò in ipso vitæ robore & vigore , etati ingrauienti hactenus probè constante ; in ipsis Anni Academici auspiciis , vacivâ Antecessoris statione nondum suppletâ ; dum ipse , summo flagrans desiderio juvandæ Juventutis æmulæ , in eo erat , ut summâ diligentia & duplicatis laboribus ad exemplum anni superioris hunc defectum pensaret . Quin immo excessit (advortite animum , Audd. , ad arcana Divinæ Providentiæ moderamina !) quando tantum non magnam voti sui partem de dilectissimo Filio Zachariâ , meritissimo Viro , ad Juris Professionem vocato , adsecutus erat ; & antequam tamen ex illâ vocatione fructum partiendorum cum ipso laborum , mente verbisque sœpè præceptum , & ex fructu illo solidum gaudium , percipere potuit . Hujus Viri , quanti autem Viri ! funus ad ipsum sepulturæ locum frequentiore comitatu prosequuti sumus . Hujus Viri Amplissimi exuvias modò terræ mandavimus matri , ab illâ devorandas usque ad gloriosam Christi Jesu apparitionem . O casum verè luctuosum & intempestivum , si quis unquam aliàs huic Athenæo accidit ! O uberem luctus & lachrymarum materiam ! O vanas mortalium spes & instabiles rerum mundanarum vices ! Nullum mihi hic ades se scio Virum cordatum . cui Patriæ & Academiæ salus curæ sit ; nullum hujus Almæ Doctorem , nullum Cîvem ; nullum literarum & eruditionis , nullum veritatis & pietatis cultorem , quem ex tam gravi vulnere dolor animi ac perturbatio non dejecrit : immo nullum certus sum mihi hic hominem adfore , si bellum non gerat

A 2

cum

ORATIO

cum humanitate, qui duro hoc atque inexpectato fato majorem in modum non afficeretur, modò *o Margeris*, dignum Virtutibus meritisque suis Præconem inveniret. Et utinam sanè hoc saltem communi omnium dolori levamen accederet, ut hæc justa Defuncti manibus ritè persolverentur! Sed et si illud, Audd., de more Academiarum sit, ut qui publico in iis functi sunt docendi munere post excessum parentalii oratione celebrentur: quis tamen nostrum præsumat, se dotes laboreisque Amplissimi illius Viri, cuius excessum lugemus, cā sermoniscopiam, gravitate, & prudentia prosequuturum, quam rara illius merita, spectatissima hæc concio, & plura quæ in rem præsentem veniuntalia, hoc temporis articulo exigunt? Ego equidem tam vivida tangor conscientiâ tenuitatis ingenii mei meæque in dicendo infantæ; & tam præclarè sentio de Eruditio-
ne & Virtutibus Defuncti, ut ad hoc officium pro dignitate Personæ & rerum aliarum merito præstandum me ineptum censeam. Ut HUBERUS per do-
num Divinæ mentis suprà cæterorum mortalium conditionem longè exectus fuit: sic nil parvum & humili modo, nil vulgare, aut, si cum Poëraloqui fas est, mortale, in illius funere dicendum. Quin ut Livius in Ciceronis laudes persequendas Cicerone laudatore opus fuisset scriptis; sic ego ad imaginem HUBERI condignâ oratione depingendam, ipso Huberi ingenio, ipso Hu-
beri stylo, opus esse dixerim. Quis præterea à Theologo, præcellentissimi Ju-
reconsulti eruditionem prædicatuero, aliud expectet, quam ut illius laudes inge-
nii atque orationis suæ culpâ deterat? Et si fortassis *o Margeris* ingenium, vir-
tutes, & mores, per intemeratam non exigui temporis consuetudinem & non
interruptum infuscatae amicitiae commercium mihi clarius quam ulli Cll. Collega-
rum meorum alii perspecta detectaque sint, (quod non est, cur inficer aut
dissimulem:) ipsa tamen hæc jucundi illius commercii recordatio, nunc cum
acerbi conjuncta sensu doloris, facit, ut hic magis hærcam, quam quilibet Ordinis
mei Vitorum alias. Cum enim HUBERUS omnibus quidem flebilis
occiderit, sed nulli ob arctam, quæ inter nos intercessit, amicitiam flebilior,
quam mihi: quis miretur, mentem, si quis illi alias vigor insit, si quâ polleat
acie, subitaneo hoc mœrore percussam ac veluti obtusam, sibi vix constare ad
amplam dicendorum materiam in ordinem digerendam, & digestam ornatis ap-
tantam loquendi modis? Et si omnino ratio sibi quomodounque constet in di-
gerendâ, quâ spondeam constantiam animi in enunciandâ, & Linguam, re-
fusciato per orationem affectu, officium non negaturam? Quando tamen hec
justa parentandi, tum ob pervulgatum politiorum Gentium hujusque Athenæi
morem, tum ob singularia Defuncti in rem literariam & hanc præcipue Academ-
iam merita, ab aliquo Ordinis mei Viro facienda erant; & spectatissima *o Margeris* Familia, cōsentiente Senatu Academicō, hoc Legis & Humanitatis
officium à me cum benevolâ sui affectus significatione expetit; & præterea
ipsa suadebat, imo jubebat pietas, ut Amicus Amico, Frisius Frisio, ultimum
hoc amoris honorisque symbolum rogatus non negarem: hanc in me provin-
ciam lubens volensque suscepit; sic mecum reputans, præstare, ut, de hono-
ratissimi mei Amici Virtutibus qualitercunque dicendo & magna modis tenuan-
do parvis, reverentia erga ejus manes & observantia, quâ ducor erga ejus
Fami-

F U N E B R I S.

5

Familiam, ut par est, satisfaciā, quam ut, violatis pietatis honestatisque legibus, turpiter sileam. Nec dissimulabo, Audd. me partem quoque aliquam hujus meæ fiduciae in Vestri posuisse judicij æquitate. Cum enim alias à meæ professionis hominibus non soletis expectare orationes ad artem numerumque compositas; tum dabitis aliquid scio hoc in casu tam justissimo mœrorimeo, quam studiorum nostrorum diversitat, ut si Theologus Jureconsulti merita meis non exæquem dictis, ad illum tamen modulum ea severè non sitis exacturi. Adeste igitur mihi ad clepsydræ hujus intervallum æquis animis auribusque: Tu in primis, Benigne Deus, præsta dicenti gratiam viresque necessarias, & quæ ab ipso mente concepta est dicendi materia, per Spiritum tuum converte in utilitatem atque salutem Auditorum.

Ortum Amplissimo Viro, ULRICO HUBERO, dedit hæc ipsa Frisia, in quâ sumus ac veriām; mea etiam, ob natalium communionem & Patriæ caritatem, Frisia; hoc tempore cultissimus ager, pratorum amoenitate & pecudum segetumque proventu cum optumis quibusque Orbis terrarum regionibus comparandus. Ut autem ingenia Populorum passim plurimum trahunt tam de ecclesiæ aurâ, quâ vescuntur, quam de solo in quo eduntur, quippe quæ opinio à mundi ortu omnium fere Gentium firmata est consensu: sic nemo mihi miretur, velim, ipsam hanc Frisiā nostrā cum olim tum ab eo potissimum tempore, quo puriore Evangelii luce illustrari cœpit, entriisse Gentem, quæ, probè exculta & asperioribus formata studiis, nobilitate indolis & præstantiâ innumerum dotiumque naturæ nulli fortè ali politiori orbis terrarum populo cedat. Ne mihi, quæsio, invidiam conflet oratio, Audd. quod Fritius hæc & majora alia de Frisiis prædicem. Ut enim mihi convenit de me modestè sentire, quod facio; sic nihil verat meam de Gentis meæ ingenio existimationem, suo loco, occasione neutquam adfectatâ, prodere. Ex Tacito intellectis, Ornatussimi Juvenes, à Romanis olim in Frisiis agnitam celebratamque esse animi magnitudinem singularem, fortitudinem, & studium libertatis: quibus virtutibus ubi accedit moderamen exercitæ rationis, nihil impervium est. Sed cum Frisiis sæpè à Romanorum Præsidibus improbè exagitarentur, & indolis eorum ferocia interea nullo ingenii cultu mitesceret, nullâ subigeretur disciplinâ; non raro factum, ut solutis libidinis repagulis illa libertas ingenii in licentiam & feritatem degeneraverit. Quo tempore Carolus Martellus, & ejusdem tam Filius Pipinus, quam nepos Carolus ille verè Magnus, & Gloriosus Imperator, Frisios ad puriorem Dei Cultum perducere laborabant: damnant Historiæ in Frisiis praviveti tenacitatem, magnamque animi obstinationem ac pertinaciam. Nec tanto tamen jure, quantâ cum specie. Etiam si enim celebres illos Anglo-Saxones, Egbertum, Wilibrordum, Switbertum, imo ipsum quoque Winfridum sive Bonifacium cum Adventino, quicquid alii obtrectent, sincero pietatis studio Frisiis meis ad Christum convertendis incubuisse facile admittam: non miror tamen magnoperè, (etsi non excusem penitus:) Majores nostros in Christo cum tot fabulis & superstitionibus recipiendo, quot pura Evangelii veritas circa illa tempora adulterabatur, segniores fuisse. Et quid Frisios hic culpamus, cum Germani, cum Saxones, & quos Visurgis & Albis allunt Populi, hic Frisiliis nihilo se præbuerint

A 3

rint faciliores; non tam fortè abhorrentes à jugo Christi , quam ab imperio Francorum Regum , quod libertati suæ adversum Septentrionales illi Populi per Novæ Religionis Sacra promoveri suspicabantur. Sed missa facio antiquiora illa secula , quorum non nisi mutilam habemus historiam. Tales amo Frisios meos , quales illos ipse hoc tempore in nobilioribus meæ Gentis Viris colo ; honesti justique studiosissimos , rationis & iani amicos judicii , sententiis animi constantes , magnanimos , fortes , verecundos , servire suprà modum atque adulari nescios , nec scientiarum artiumque præclararum non cæpaces. Dicere enim quid vetat , ex Frisiis nostris impatientia laboris magis quam inopiam facultatis pauciores ad illam in literis gloriam pervenire , quam Zuichemi , Hopperi , Gellii , Gemmæ , Popmæ fratres , Tejaræ , Ratalleri , Schotani , Amamæ , Winsemii , aliique plures , ingenii excellentiam industriaque tum sibi tum Universæ Genti nostræ pepererunt . ut Groningano agro sua ornamenta , Rudolphum Agricolam , & Johannem Wesselum , & Gretano Ubbonen Emmium , præclarum Orientalis Frisia decus , relinquam. Quæ tamen in meæ honorem Gentis verecundè dicta ita à Vobis accipi nolim , Audd. ac si necesse admodum habuerim HUBERIANI commemorationem decoris à natali solo , illi non modò cum bonis , sed & malis multis communi , repetere , & quorundam Gentilium nostrorum singularemerita in ejus referre laudes. Verè enim HUBERO plus debet Frisia ob celebritatem eruditioñis & sapientiae ejus , quam ipia illi contulit per natales ; tantumque abest , ut ex aliòrum spoliis illi necenda sit corona , ut contrà Principes Gentis nostræ Viros ipse illustrare possit , & cum triariis , Zuichemo & Hoppero , comparari debeat. Sed utile ducebam animos vestros per hæc auspicia parare mihi conciliare , ut quæ mihi de Virtutibus hujus Viri dicenda sunt tanto æquius reciperetis ; tum etiam , ut si quæ ex merito in laudes ejus Vobis prædicare videar , ne indignaremini , hunc Virum aërem bibisse Frisiacum , quando eum cum tot aliis præclaris Viris communem habuit. In Frisiis autem hæc gloria debetur Docummo , quod HUBERO nutricem subministraverit , olim quidem mercaturâ & Amplissimi Senatus , cui summa rei maritimæ cura demandata est ; sede florenti. Nec indigna Documum hoc honore , Audd. si HUBERUM in Frisiâ nasci oporteret. Utique quo tempore Frisia nostra ferè tota immersa erat cimmeriis ignorantiae atque idolatriæ paganæ tenebris , & Occidentales hujus Frisiae nostræ incolæ Regibus propinquiores & addictiores salutarem Evangelii doctrinam superbè repelabant , Orientalis hic Frisiae nostræ Tractus , ipse , inquam , hic Ager Documanus , portam reclusit Evangelio , & nuncios æternæ pacis talutisque per Christum obtinendæ , admisit. Hic Ager Bonifacium aliosque , sive jam Ecclesiæ sive Pontificum Romanorum Apostolos , exceptit , qui hic doctrinæ , & miraculis quoque , ut fertur , claruerunt ; quin ipso sanguine veritatem prædicationis suæ obsignarunt. Tu nobis , Ager Documane , jam olim dedisti celeberrimum illum sanctissimumque Ludgerum , Gregorii Traiectensis Rhenani Episcopi discipulum , Virum admirandi in rem Christianum studii , quidoctrinam pietatemque suam tam Carolo Magno , quam Præceptoris sive Comiti ejus Alcuino , cruditissimo illius temporis Viro , singularem in modum probavit , &

Doc-

F U N E B R I S.

7

Doccumanis suis convertendis non exiguam impedit operam. Imo Tibi debemus Gemmam Frisiæ decus, mathematum scientiâ suo tempore clarissimum; ne nunc alios memorem. Lumen ibi solis primò adspexit ē *Marcheim*, tertio Idus Martias, Anno Seculi xxxvi. honestis & se dignis ortus natalibus, qui si Patrem respiciatis ex Frisiis, si Avum, ex Helvetiis repetendi sunt. Patrem enim habuit Speccatissimum Virum, ZACHARIAM HUBER, Patronum cauſarum literatum & solerter, mox funeturum notabili Munere Dicasterii Dongriæ Occidentalis à Secretis, & ex eādem illâ Dioceſi ad Amplissima Patriæ Comitia ſapius Delegandum; ob dexteritatem prudentiamque ſuam magnâ apud Prætorem illius Præfecturæ, potentem illo tempore inter Patriæ meæ Proceres Virum, Nobilissimæ stirpis, *Dominicum ab Aylua*, valentem gratiâ, & auctoritate apud alios. Mater illum utero exclusit SUFFRIDA JENSMA, ÆMILII JENSMA & JULIANÆ REEN Filia, Patricie utrinque in Gente noſtrâ Familiæ. Avus autem illi fuit, HENRICUS HUBER, Gente Tigurinus, occaſione Belli Hispano-Belgici in has delatus oras, qui ordines ducentes militares sub auspiciis Belgarum, virtutis tuæ ſpecimina inter alios edidit in memorabili illo prælio Neoportensi Flandrico, in quo Belgicæ rei ſumma versa est, commiſſio inter Mauritium Principem & Archiduces Belgii Hispanici Gubernatores, Albertum Austriacum & Isabellam, ultimo ſeculi ſuperioris anno; deinceps Peditum Centurio meruit ſub Henrico Julio, Brunsvicensium Duce; unde rursus in Frisiā delatus ætatem ultrâ annos LXXX produxit. Sat is imaginum, ut opinor, Audd. Doctissimo Viro, qui absque imaginibus ullis ſe Familiamque ſuam nobilitare poterat & illustrare. Parens Defuncti existimans, ut res eſt, ingenia per ſeveriores disciplinas caſtigari, & cupidinis pravij elementa animo eradi, ludo illum commiſſit literario, Documano primum, dein Leovardensi, è quo missus in Academiam. In priore načtus eſt Præceptores, Vigilantes Doctosque Viros, Wilhelmuſ Kiers & Johannem Vander Malen, hunc Ludi Documani Rectorem, illum Prorectorem: Leovardiæ Henricum Kolde, & Tobiam Guthberlethum, illum Gymnasiarcham, hunc Vicarium, ei poſt mortem in ſummâ Scholæ Recturâ ſuccedentem; quorum Virorum, præcipue Guthberlethi, cum doctrinâ tum vigilantiâ factum, ut Leovardense illud Gymnasium tum cum maxumè temporis floruerit, & fœcundæ matris instar complures culti ingenii adolescentes ediderit. Primis autem pueritiæ annis iſum tardiorē ingenio viſum eſte, idque demum naturæ involucris explicari coepiſſe in Quartâ Claffe Leovardensi, quis de magno hoc crediſſet ingenio, niſi id ipſe HUBERUS in dupliči Commentario de Vitâ ſuâ, quorum alterum breviorem idiomate vernaculo ad hunc iſum Annum iſpi fatalem perduxit, alterum prolixiorē Filio dictare coeperat, pueritiæ folummodo & primorum Annorum Academicorum historiam complexum, ſcriptum reliquifſet. Nec tamen id in Defuncto nostro miremini velim, tanquam quid adeo ſingulare & insolens, ut idem in aliis maximis Viris observatum non fit. Erasmus communis fama, per matres familias ad ſpem ſuam de pueris infelicitatis ingenii cum ſpecie ſuſtinendam diligenter propagata, fert primis pueritiæ annis tardiffimos in literis addiſcendis profectus feciſſe, idemque paſſim à Doctis

O R A T I O

Doctis quoque creditum traditumque fuit, antequam Vir quidam ævi nostri
 Eruditus, Erasmi Gloriæ studiosissimus, id solidis argumentis falsi convicerit.
 Certius id fortè prædicatur de celeberrimo seftæ Scholaiticæ Philosopho, Alber-
 to, quem *Magni* deinceps nomine decorarunt, & egregio illo Hispano, Joan-
 ne Ludovico Vives; et si quid vetat dicere tam hos quam alios, qui huc adduci po-
 terant plures, non tam indolis, ut videtur, quæ semper eadem, quam regiminis
 virtutem ingenium tardius explicasse. prorsus ut Clarissimo inter Græcos Oratori De-
 mostheni accidisse, tradit Plutarchus. Difficile puerorum regimen esse Seneca
 verè dixit, & quis non præter Senecam? Omnium mortalium mentes medici-
 nāe agent, sed pro indolis diversitate variâ, quæ nisi dextrè à Præceptoribus &
 Pædagogis applicetur, non juvatur ingenium, sed corruptitur. Quare quant-
 um momentum situm sit in Præceptoribus & Pædagogis, si Magistratus
 Urbium rectè semper intelligerent, majore advigilarent industriâ, ne ma-
 los & ineptos, quod nunc sæpè fieri dolemus, ad hujusmodi munera geren-
 da unquam admitterent, bonos benignius foverent & laetius honorarent. Fal-
 lor, Audd. aut hæc aliaque rationes HUBERI ingenium in pueritiâ suppres-
 serunt, & veluti retuderunt. Nimirum, cum ipse in primis hæreret Latinæ
 Linguæ rudimentis & Parens ejus cum novâ dignitate Domicilii sedem muta-
 ret, Ludimagistorum Documanorum subductus disciplinæ, Pædagogo paga-
 no informandus datus est: mox iterum reductus Documum in contubernium
 Rectoris; inde post sesquiannum à Rectore darius habitus Leovardiam missu-
 per quas mutationes quis effectum esse miretur, ut ignea vis mentis suis cineribus
 citius evoluta non fuerit? In Leovardensi autem Gymnasio, naturâ suos jam ape-
 riente recessus, tantos quadriennii spatio profectus fecit, ut quinto decimo æta-
 tis anno Latinæ Græcæque Linguæ cognitione ritè instruetus, Scholasticum
 pulvrem excutere meruerit. In Græcis quantum jam tum profecerit, inde Vo-
 biscum reputate, quod Græcum Novi Foederis Instrumentum ad Libri apertu-
 ram in Linguam Latinam expromptè converteret; & non modò in solutâ, sed
 & ligatâ oratione Latinâ, quod sesquicentum Psalmos Davidicos, diverso sin-
 gulos metri genere, proprio marte expresserit, viam in utroque studio præeun-
 te Guthberletho. Miramini nunc, Audd. ingenii celeritatem, qui modò tar-
 ditatem. Quotusquisque enim adolescentum, qui è disciplinâ Scholasticâ ad Aca-
 demias mandantur, cum his paria faciat? Scilicet ut limpidæ fontis aquæ, re-
 clusis meatibus, majore impetu foras prorumpunt; ut ignis, occultis delitescens
 venis, per vim aliquandiu suppressus, flammæ subito concipit majores; sic HU-
 BERI ingenium, ex carceribus missum, quibus aliquandiu detentum fuerat,
 concitatiore gradu properavit ad metam. Nec tamen Prudentissimo Parenti con-
 sultum videbatur, Filium, licet sublimiorum Institutionum jam capacem, ad
 Academiam illico ablegare; quin potius illum per semestre integrum recoquen-
 dum dedit Rev. Viro, Johanni Nisenero, Pastori Hallumano, quo tum Græ-
 cæ Linguæ cognitionem, subacto Hesiodo, notabilibus incrementis auxit, tum
 novarum scientiarum, Dialetticæ nimirum & Hebrææ Linguæ, fundamenta
 jecit. Etsi eodem anno, quando non amplius erat in potestate Parentis vo-
 ta Filii, ad altiora anhelantis, diutius morari, illum nomen suum inter Frane-
 kerat

F U N E B R I S.

Keranæ hujus Almæ Cives profiteri passus sit, quindecim tum annos & menses natum septem: rem Academicam moderante Cl. Viro, Bernhardo Fullenio, Mathematum Professore doctissimo, ejusdem illius Bernhardi Fullenii Parente, quem excellentem hac Scientiâ Virum, & conjunctissimum Collegam nostrum, Senatui Academico hoc ipso Anno Præsidentem contuemini, quo illius deploramus obitum. Advortite animum, obsecro, ad hunc Divinæ Providentiae lusum, sexcentis exemplis timilibus ex Historiâ illustrandum, nisi nos clepsydra ad longè majora & graviora vocaret. Studiosum nunc graviorum disciplinarum habetis HUBERUM, Audd. sed verè Studiosum; non aleæ & crapulis, non otio, & quæ otium comitari solent, vitiis ac libidinibus indulgentem, sed assiduis laboribus & vigiliis in multam noctem ductis ad culmen illud summæ eruditioñis, quod illum tandem consecutum vidimus, contendenter. Sciebat oī Margem, Naturam nil tam altum constituisse, quo virtus, Deo juvante, non possit eniti: sed simul intelligebat, arduam illam, impeditam, paucis noctem, paucioribus tritam esse viam, quæ ad Sapientiæ Sacrum dicit; ad quam querendam, magno studio; calcandam, circumspectione opus sit & constantiâ. Quare quod Cicero frequens laudare solebat dictum, Αὺν ἀγείρειν, καὶ οὐ πέπογχος ἐμπειρευ ἀλλα; HUBERUS noster in universâ vitæ ratione altè sibi inhærente demonstravit, nihilque reliquit intentatum, quo olim magnis major, maximis par esset. Primum studiorum Academicorum annum impendit Propaideuticis, Philosophiæ, Historiis, Linguisque Eruditorum, Latinæ, Græcæ, imo & Hebraicæ excblendis; et si hujus deinceps obgraviora studia Civilia, & rariorem in illis usum, minorem rationem habuerit. Philosophica ejus studia moderatus est Nicolaus Amama, Sixtini nostri celeberrimi Filius, cui, Philosophiæ Candidato, concessum erat Scholas aperire domesticas; vigente tum in Academiâ hac genere quodam Philosophiæ inter Aristotelicam & Cartesianam medio; cui tantum dein adjecisse, ipse scribit, quantum ad animi sui sententias comparare posset, alienus semper à longioribus & abstractioribus ejusdem (Cartesianæ) Philosophiæ meditationibus; in primis cum animadverteret, usum ejus doctrinæ in disciplinis, quæ res utiliter & populariter tractant, in quod omnis sapientia desinere debet, esse alienissimum. Quod ejus iudicium mihi equidem non multum distare videtur ab eo Sapientissimi Græcorum Socratis, quippe qui neglectis subtilioribus contemplationibus Metaphysicis, primus Græcorum illam docere coepit Philosophiam, quæ usum habet in commercio vitæ; quid bonum vel malum, quid factum oporteat nec ne, indagans. Γνέντε δὲ, ait Laertius, τὴν φυσικὴν Θεωρίαν ποντὸν εἶναι πρὸς τὸν ιδεῶν φιλοσοφεῖν ἀξένη. In Historiis publicè audivit docentem Cl. Virum, Dominicum Acronium, cum Linguæ Latinæ Græcæque vix ulla tum temporis Professoribus haberentur Exercitia Domestica; sive quod ipsi in obeundo hoc munere suo minus adsidui fuerint, sive quod Studiosi, quorum scilicet multi vanâ de se præsumptione id se dudum consequitos esse opinantur, à quo quam longissime absunt, illa Exercitia tanquam inferiora edipernarentur. Oī Margem, tamen, tam suæ conscientiæ facultatis quam persuasus de summâ horum studiorum necessitate, quod ordinariâ hac negabatur viâ per aliam sectatus est, conjunctis studiis

B

O R A T I O

diis suis cum tribus aliis optumæ spei rectique ingenii Juvenibus, *Abrahamo de Grau, Daniele Nisener, & Johanne Isenbergo*: quorum ille deinceps Mathematum in hac Academâ Professor claruit, cum Defuncto ad extremum vitæ conjunctissimus, hi Ecclesiæ dicati Ministerio Juvenes fatum impleverunt suum; Nisenerus quidem Hindopensis Ecclesiæ Pastor, Isenbergius autem ejusdem Muneris sacri Candidatus. Interpretabantur in illis Exercitiis Homerum cum reciprocâ censurâ, incredibili cum fructu; dum interea ipse privâ diligentia probatos Autores Latinos diurnâ nocturnaque manu versbat. Quando autem à Parente Juris studio destinatus erat idemque perpetuò in oculis gerebat, proximo abhinc anno illud cum iisdem hisce Linguarum & Historiæ Exercitiis conjungere cœpit, sequutus consilium, simul se tum committens disciplinæ Cellerim Antecessoris, Jacobi Wissenbachii, ut & Collegæ ejus, Doctissimi Viri, Gulielmi Cup, quorum eruditio illo tempore à frequentissimo literatorum Juvenum cœtu, Franekeram undique confluentum, colebatur: à quorum (in primis Wissenbachii) ore & judicio cum per biennium summâ usus diligentia pependisset, textu Justinianæ cum Græcâ Theophili Versione industriè comparato; simul disputando de gravissimis Juris materiis acumen doctrinamque suam omnibus probasset magnamque sui in futurum spem fecisit, Trajectum concessit ad Rhenum, motus celebritate nominis Eximii Jureconsulti, Antonii Matthæi; quem cum Pandectas explicantem audivillet ad Librum usque decimum nonum, fato sibi doluit erectum, reliquo anni illius Academicî spatio gravitus institutione Cl. Juris Antititis, Cyprani Regneri. Tu tamen macte studiis illis tuis Trajectinis, Docte HUBERE, quando Tibi Deus ibidem majus destinavit bonum, quam quod secessabare. Nostis, Audd. quotquot prorsus rudes non estis disciplinæ Evangelicæ, neminem admitti ad communionem bonorum Regni Dei, nulli in doctrinâ Christianâ spem fieri æternæ salutis per Christum impetratæ, nisi renato in novum hominem per efficacem Spiritus S. gratiam. Nostis, atque utinam experti intelligeretis omnes Spiritum Sanctum, magnum hoc gratiæ opus in peccatore molientem, cum vivo miseriæ sensu profundam in mente excitare humiliationem coram Domino; simul, ne tristitia in desperationem vertatur, animo exhibere infinitas Divineæ Gratiae opes in communione Dei per Christum repositas; tum porro producere flammæ ardentissimi amoris, quibus mens ad Deum in Christo fertur rapiturque, & quavis aura it velocior, cum constante & infucato sanctimoniac studio, atque ita tandem animam, quæ mundo, quæ cupiditati, quæ sibi addicta erat & serva, veluti prædam diaboli erectam laqueis, in suam transponere communionem, suæque & veræ vitæ, per Spiritum jugiter animandæ, participem facere. Eriamini vero HUBERUS puer & adolescens, moribus ornatus egregiis, hactenus se in regimine vitæ castè, modestè, temperanter composuisse: sed tamen mihi prædicavit o Mängesius ad laudem immensæ benignitatis Divinæ, idemque in Commentario Vitæ suæ cessâ notavit, hujus se beneficii Evangelici cum mirificis Divinæ gratiæ sensibus animique sui commotionibus, in solidum demum compotem evasisse sub exitum hujus, & in initio Anni sequentis: idemque nos, in hac Civitatis Academicæ Panegyri, ad sum-

F U N E B R I S.

11

summam ejusdem illius Divinæ gratiæ laudem ut prædicaretur, consultum duximus. O rem verè admirandam! Jurisprudentiæ Studiosus illâ ætate, quâ arrogantia, luxuria, & libido regnum obtinent, externâ nullâ afflictus aut coercitus disciplinâ, à Deo intromittitur in intima penetralia suæ communionis, quibus Theologî multi excluduntur! Adeste mihi hic, Juvenes Nobilissimi, quotquot Juris studio consecrati estis. Discite ex hoc exemplo, quam sibi vera pietas, quam sibi Divina Gratia optumè cum his literis constet; utique scitote, cœlum nulli mortali, sive Jureconsulto, sive Theologo, recludi nisi per eandem hanc gratiam, quam qui hac in vitâ consequutus non fuerit, dira illum manet atque æterna nox, nullis radiis lucis interpuncta. Multa, quando in his erat à *Muræcim*, apud me prædicare solebat in laudes cum aliorum Academicæ & Ecclesiæ Trajectinæ illius temporis notissimorum Luminum, tum in primis Divinorum Virorum, Lodesteynii & Bogarti, vigilansissimorum & fidorum illius Ecclesiæ Pastorum. Hi, quod multi nomine præferunt, re ipsi præstabant. Adsidui in eo erant & indefessi, ut necessitatem gratiæ, per fidei, resipiscenziæ, & sanctimoniz viam obtinendæ, ad omnium mortalium conscientiam demonstrarent; magisque laborabant illud Regnum Antichristi destruere, quod prædominans in animis omnium hominum, quotquot per gratiam Spiritus renati non sunt, bellum gerit cum Regno Christi, quam quod in Papismi tyrannide ac fævitâ conspicuum est; quorum duorum concionandi generum illud homines ducit ad humilitatem & pœnitentiam, hoc illos plerumque inflat vanâ opinione & præsumptione sui, ac si tanto Pontificiis essent meliores, quanto verè non sunt, & nihil in ipsis vitii emendandum restaret. Vela contrahere jubeor, Audd. & cætera majore festinatione persequi. Trajecto in Frisiâ redux Defunctus denuò per integrum anni spatum operam dedit Wissembachio, cui ex omnibus suis Præceptoribus plurimum debuit. Inde jam Juris & Humaniorum literarum scientiâ longè supra ætatem subactus, intelligens, nihil æquè ad poliendum ingenium & instruendum judicium, modò facultas adsit, conferre ac peregrinationes, veniam à Parente impetravit florentissimas illo cum maxumè tempore Germaniæ Academias visitandi. Quare habitâ eodem istoc anno LVI. auspiciis Cl. Wissembachii Disputatione publicâ de *Actionibus bonæ fidei & stricti juris*, ne sine novo eruditio[n]is ac suorum in Jurisprudentiæ studio profectuum testimonio Patriæ valediceret Academizæ; Junio mense à Marpurgum contulit, Peregrinationis illius & studiorum sociis gavisus de Frisiæ Nobilitatis flore, egregiis Juvenibus, Idzardo à Douma, Laefso à Burmania, & Dominico Loo, splendidissimis deinceps muneribus in Patriæ commodum perfunctis; de Patriciis Groninganis, Lamberto Coehorn, & Joh. Sande; quibus accedebant Ornatisissimi Viri, Regnerus Hacktingius & Petrus Adriani in magnam Ecclesiæ spem excrescentes; quos dudum omnes fatalis urget sopor. Marpurgi postquam trimestre spatum exegerat, Heidelbergam concessit; Heidelbergam, inquam, Germaniæ Paradisum, amoenissimam Musarum sedem, Religionis nostræ nutricem; post pacem Germaniæ redditam Religioni Musisque restitutam, & curâ piudentissimi Principis, Caroli Ludovici, tunc temporis excellentium Virorum ingenii laboribusque illustrem, sed funesto hoc bello stupendo

B 2

do

ORATIO

do Dei judicio & hostium furore penitus adeo subversum atque excisum, ut priscorum illius ornamentorum vix rudera illa & monumenta supersint. Exulant inde Musæ, exultat Religio, quin imo ipsi exulant Cives; tristis ibi pavor, & horrenda imago mortis. Gradum ibi Docturæ in Jure capessivit *o Mængelius*; circa idem ferè tempus, quo, annum nunc agens vigesimum & primum, absens Historiarum & Eloquentiae Professor in hac Academiâ designatus est, ad seriam commendationem cum Academicci Senatus, tum imprimis Ornatusissimorum illius Membrorum, *Schotani*, *Wissembachii*, & *Matthæi*, adhuc superstis. Unde quantum jam tum de ejus eruditione & aptitudine opinionem conceperint omnes, me facente, facile intelligitis. Nec tamen illud præcipuum est, quod hoc in casu singulari equidem & notabili Vos admirari velim. Rariorum mihi illud ac majore admiratione dignum videtur, quod illâ aetate, quâ mortalium animi ambitione turgere solent atque arrogantiâ, tantâ fuerit modestia HUBERUS, ut Parenti in literis de Professione mentionem injicienti rescripsiterit, nec illam se spartam ambire, nec sibi ut conferatur commodum censere. Nempe quod Veteres rectè dixerunt; *Αμαδία υπὸ θράσους, λογιστής διόνυσος φέρει*. Ut tamen fama gloriaque fugientem sequi & asequi solent, major habita est ratió meritorum quam modestiæ ejus: ut adē honorificum hoc munus, cui Doctorum judicio par habebatur, in ipsum collatum sit, hac singulari adjectâ conditione, ut, si vellet, licitum illi foret tempus peregrinationis per semestre spatium protrahere: quam tamen Dominorum indulgentiam ita illum interpretari docuit Wissembachius, ut rem faceret sibi atque Academiæ utilissimam, si primâ quaque occasione se ex Germaniâ in Frisiā ad spartam hanc suam exornandam reciperet. Defunctus noster hac usus est moderatione, ut tempus peregrinationis ad trimestre spatium contraxerit, Heidelbergâ se conferendo Argentoratum, liberam tum quidem illam & inter reliquas Germaniæ Urbes altè caput exerentem, sed nunc pariter gementem sub imperioso Galliarum Regis jugo. Instructus ibi est ad prudentiam & conspectiorem eruditio nem per convictum & commercium Virilongè Celeberrimi, Joh. Henrici Boec leri, cuius doctrina circa illam tempestatem universam illustrabat Germaniam. Unde in Frisiā redux muneri demum suo inauguratus est Novembris mensis die ultimo: nempe ut hoc lumen eodem mense dici posset ortum, quo extinctum est. Doctorem nunc videtis HUBERUM, quem modò discipulum, nec Doctorem tamen, qui ad hoc institutionis munus inexercitatus accessit. Præluserat enim jam *o Mængelius* huic vitæ professioni, cui illum Divina destinarerat Providentia, per Institutiones familiares, quibus animi & honoris causâ, absque ullo emolumento, peregrinationis suæ socios, tanquam Collegii illorum Præses, exercuerat.

Ego verò nescio, Audd. quis mea nunc membra insolitus corripiat motus, quando HUBERUM in hoc theatrum perduxí, in quo Personam suam tantum laude ad ultimum usque viræ halitum gesit, ut omnibus sui injecerit admirationem. Imo verò quicquid de vigiliis, laboribus, assiduitate ullius diligenterissimi Professoris præsumere potestis, illud de HUBERO nostro multò adhuc velim cogitatis majus & amplius. Otium ille sanguine viperino vitavit cautius,

&c

& commoda Juventutis Academicæ tam incredibili promovit zelo, ut aliquando omnes diei horas à matutina texta ad vespertinam octavam (tolâ undecimā prandii exceptâ;) privatis publicisque Exercitiis, sive Collegiis, quæ vocant, impenderit; cujusmodi rarae diligentiae exemplum an abullo unquam Professore in Academiis editum sit, haec tenus exploratum non habeo. Quo minus mirandum, tum Magnificos Academie Patres, quo currenti calcar & ad majora animum adderent, Facultatem concessisse Jus privatim docendi, tum Collegas Professores liberis suffragiis Rectorem Academie creasse, anno ætatis ejus vi-gesimo quarto; rato exemplo, ut rara in HUBERO omnia: quam dignitatem dein iterum tertioque geslit. Intenissimi tamen hi labores non prohibuerunt, quo minus de prole procreandâ cogitaverit, electâ sibi post exactum in munere primæ Professionis biennium vice Socia, Virgine ab ingenio, formâ, studio virtutis, & Familiâ, commendatissima; Agnete Althusiâ. Parens illi Hermannus Althusen, Cohortis Pedetris Embdæ Urbis Centurio, sive Capitanus; Avus, Vir Illustris, ut illum Emmius vocat Historiographorum nostræ Gentis celeberrimus, Johannes Althusen, qui primò Professionem Juris in Almâ Herbornensi, & Steinfurtensi, magnâ cum dignitate sustinuit, dein pari prudentiâ Reipublicæ Embdanæ à Consiliis fuit; ad Lugdunensem quoque Cathedram, sed frustrâ, invitatus; ejusdem Emmii judicio, Doctrinâ, virtute, fide singulari, plane eximius, & ingenii sui monumentis æternum victurus. Nec minor illi ab alterâ stirpe gloria. Quæ enim illam egregia ediderat Mater, Maria Felicitas Rumpf, Magni & ipsa fuit soboles Parentis; Expertissimi nimirum & Gravissimi Viri, Christiani Rumpf, Serenissimi Regis Bohæmiæ, Friderici Palatini, & Gloriose atque immortalis memorie Principum Arausiae Fratrum, Mauriti ac Friderici Henrici, Architri; Dominis hisce Patronisque suis carissimi. Quantum verò HUBERO nostro ex Professorio munere laboris, tantum ex hoc conjugio cepit voluptatis. Amabat & amabatur, quo nil natura dulcius habet. Deditque illi fœcunda mater duo pignora amoris, Zachariam & Hermannum: quorum Hermannum, Ordinibus Frisiae à Secretis & Senatui Urbis Leovardensis à Consiliis Juridicis, Amplissimum Spectatissimumque Vi- rum, qui prudentiae virtutisque Parentis sui hæres, cum non minore suo honore & existimatione quam Frisiae nostræ commodo, publicæ rei invigilat, dolore affictum hic coram habet; Zacharias, de cuius ingenii docilitate admiranda prædicantur, sexennis puer peste extinctus est; novoque rursus comprobavit documento Senecæ illud ad Marciam: Ingenia, quæ illustriora, eo breviora. Sed ut in humanis solidum gaudium nullum æquabile & diuturnum est, sic placuit Arbitro Universi Deo felicis illius & rare concordiae matrimonii vinculum solvere post tres annos & novem menses; à quo tempore ipse quoque Defunctus noster, et si nunquam muneri suo majore vacaverit industriâ, biennium integrum cum infirmâ valetudine conflctatus est. Verum, quod in naturalibus quandoque cum successu tentari dicitur: inde medicinam petiit, unde origo mali. Per labores, secundum præscriptum Plutarchi de Diætâ homini Literati, dispellere studuit morbum, quem ex laboribus contraxerat. Nec defuit huic conatu Deus, qui laborantes amat juvatque; otiosos ut sui dissimilimos

limos, Hesiodo jam olim canente, odit. Illorum annorum vigiliis debemus eruditam Dissertationem de ætate Assyriorum, quâ adversus Ufferium Armanum, aliosque maximos nostri temporis Viros, de Originibus Imperii Assyriaci & Medici disputat: refutatâ sententiâ novâ, quæ Assyriorum Imperio in Oriente quingentos admodum annos dat, nixâ auctoritate Herodoti; adstrictrâ communi, quæ iisdem Assyriis ante Medorum in Asiâ dominationem annos dat mille & trecentos, auctoritate Ctesibæ Cnidii, & qui illum sequuntur, Diodori Siculi, Justini, aliorumque. Perspicitis, Audd. ex hoc specimine primo ingenium *Γεράσιμος*, quod deinceps in omni studiorum suorum ratione, in omnibus Scriptis suis, clarissimè expressit. Improbabat, si quisquam alias, communes receptasque in sacris atque civilibus sententias sæpè absque ullâ ratione justâ negligi, substitutis novis, quæ magis quod novæ, quam quod solidis subnixæ sint argumentis, placeant. *ΤΑ ΚΟΙΝΑ ΚΑΙΝΩΣ*: hoc est, communes sententias, quantum potest, conservari, sed novis muniri argumentis, novis illustrari observationibus, volebat; illa nova optima statuens, quæ nihil novant. Sed verò diutius quam par est Vos in his *HUBERI* primitiis describendis detineo, cum ipse multo citiore & celeriore gradu ad majora properaverit; Celeberrimo nempe Praeceptor & Collegæ suo Willembachio, fato cedentis circa annum Seculi Sexagesimum quintum, datus Succelor, & Juri dehinc totus addictus, ad quod profitendum animus maximè propendebat.

Haec tenus fortè utcunque Personam meam sustinui, Audd. Spectatissimi, quando de rebus captui meo accommodatis verba feci. Sed utinam eam nunc vel ad momentum mutare possem, vel dicendi hanc provinciam alii committere, quando mihi diligentæ & laborum *HUBERI Jureconsulti*, cuius disciplinæ me juxta cum ignarissimis ignarum profiteor, rationem reddere convenit. Pretium enim Jureconsulto qui itatuam Theologus? Labores ejus qui recensebo, quorum plerorumque argumenta à me non intelliguntur? Magis tamen hic hærem, Audd. si de ignoto apud Vos homine & obscuro differerem Auctore. Sed nunc, cum de *HUBERO* differam, omnium & communis de Ampliss. Viro existimatio mihi quodammodo succurrir. Nullus, opinor, nostri temporis homo negat, Defunctum nostrum per candum illam diligentiam assiduitatemque, quam modò prædicabamus, hoc est stupendam & fide majorem, junctam cum summâ mentis solertiâ, tantam sibi in Jure antiquo novoque comparasse scientiam, ad tantam pervenisse celebritatem famæ, ut non inter maximos, sed maximus ipse nostri temporis Jureconsultus habitus cultusque sit: in quo communi judicio Doctorum & indoctorum, cum nihil eo maius & excellentius quod ad hanc rem à me prædicari possit in *HUBERI* laudem, facilè patimenti ut acquiescam. Faciam solummodò, ut ne labores, quos per hos undetriginta annos in Doctissimis Scriptis elucubrandis posuit, & honores, qui illas continuò interceperunt, à Vobis ignorentur. Primis quidem Juridicæ Professioannis annis magnâ curâ elaboravit in Disputationibus Juris Fundamentalibus, per modum amplissimi Commentarii ad Institutiones & fere in loci parallelis etiam ad Pandectas Justinianæas, quibus tum materias Juris cujusque Rubricæ Justinianææ solide pertractavit, tum in disquisitiones amoeniores, ad Humaniora Juris

Juris illustranda comparatas, digressus est. Quod opus licet eximum & à Prudentiae Civilis consultis avidissimè exceptum, Defunctus noster tamen non perduxit nisi ad tertium Justinianearum Institutionum Librum, sumpto consilio illas suas curas in duas distribuendi partes, quarum altera merè Juridica, altera sola complectetur Humaniora. Illa sub Praelectionum Juris Romani & Hodiegni; hæc sub Digressionum Justinianearum titulo deinceps lucem adspexit; eruditissima opera, verè latura ætatem, & famam Huberiani nominis ad seram propagatatura posteritatem. Iisdem hisce primis Juridice Professionis annis emisit Dissertationem de *Liberationibus*, ad elucidandam Doctrinam Evangelicam de Satisfactione Christi, Doctis quibusdam Pannoniis, id ab ipso efflagitantibus, dictatum, quæ plausum meruit Eruditorum, &c, quod mihi constat, HUBERO nostro singularem existimationem atque affectum Celeberrimorum quorundam Theologorum conciliavit; quin & ad majores honores aditum struxit. Honorum illorum repetendus est ordo ab anno seculi LXX, quo primum ad Jus in Academiâ Belgij nostri primariâ, Lugduno Batavâ, docendum, honorificis conditionibus invitatus est: quæm nihilo minus vocationem gravissimis de causis recusavit, certum habens secundumque statuens Patriæ suæ, Almæ Eruditionis atque industrie nutrici, se non subducere, sed ad mortem usque, quod fecit, infervire. Quo generoso consilio Illustres Patriæ atque Academiæ Proceres usque adeo sibi devinxit, ut illum maestaverint titulo Professoris Juris Primarii; simul illi detulerint Professionem Juris Publici, cum spe Etabi i honorarii annui auctorario. Sic suos virtus, sic eruditio beant cultoris, dum mali pigrique sibi obstant ipsis. Vix tamen, Audd. ex hoc colligite specimine, quantam sibi HUBERUS noster jam tum pepererit celebritatem nominis, quod Prudentissimi Patres Almæ Lugdunensis illum tantum non trijinta & quatuor annos navum, ambiverint: Magis tamen inde, quod hac repulsa non deterriti eandem hanc vocationem iterum tertioque repetierint, amplissimis identidem pro Viri merito & rei Academicæ momento oblatis conditionibus. Sed quanto Batavi magis ut illum haberent allaborabant, tanto id Frisi egerunt magis ut retinerent, novis excogitatis præmiis & honoribus, quibus illum sibi obstrinrent. Cujus generis primum fuit, quod favore Celsissimi Nassaviæ Principis Casimiri, cuius ut magna est animi generositas sic infinita extant in literatos merita, ab Academiâ in Supremam Frisiæ Curiam Juridicam, quæ dignitas mea in Patriâ in honorificentissimis censeretur, evectus fit. Alterum, quod idem ille Celsissimus Princeps & Proceres illum, post triennium illâ in dignitate summâ cum laude & fructu exactum, ex Curiâ denud transtulerint in Academiam, ut ibidem ad exemplum summorum in Athenæo Lugduno-Batavo Virorum, (*Exsenatoris* tamen Titulo & nomine,) à Publicis Lectionum Exercitiis liber, honoris caussâ ageret, consulentibus de Jure responderet, idque commendo Publico doctissimis Scriptis pro virili illustrare pergeret, decreto illi anno bis mille Carolinorum & primo in Senatu à Reetore loco; simul Primogenito Filio Hermanno promoto ad spectatissimam dignitatem Ordinum à Secretis, merita tamen dotesque Viri non excedentem. Sic demum Eruditioni, sic virtuti suum statutum est pretium. Certè etsi Princeps Casimirus, etsi Proceres Pa-

O R A T I O

Patriæ mœ multa in commodum Reipublicæ præclarè & laudabiliter egerint: nescio tamen quid magis unquam fecerint se dignum, quodque majore plausu à cordatis omnibus exceptum sit. A studiis literarum, si Domini mei rem secum recte reputare velint, dependet salus & decus Gentis; studia autem honoribus præmiisque aluntur & accenduntur: quæ si absint, frigent. Nolim tamen, Auditores; nolim, Juvenes, quotquot hic adestis, ut oculi Vestri his fulgoribus honorum nimis præstringantur. Credite mihi, multo difficilius est magnis honoribus dignum se paremque præstare, quam ad illos qualicunque viâ pervenire: ut famam tueri difficilius quam acquirere; et si imperitioribus rerum fortè secus videatur. Et nescio fanè cujus fuisse tantos honores laboribus compensare paribus, quam HUBERI. Utique quis secum absque admiratione repeatat, quot à primâ vocatione Lugdunensi ad fatalem vitæ horam eruditissima elucubraverit Scripta, præter Exercitia domestica, per maximam solidi diei partem trahenda? Videntur omnino mihi animi ejus ab eo potissimum tempore creuisse, ac si tum demum recte intelligere cœpisset, sc̄ ad magna natum esse. Annus secundi Septuagesimus Secundus primum dedit specimen de *Jure Civitatis*, novâ ratione & exemplo laudabili exhibens puram & solidam Juris Publici doctrinam à *Politica* penitus distinctam; deinceps bis recusum, magnisque locupletatum accessionibus, in primis ut hoc ipso Anno fatali eleganter exiit in lucem. Biennio post prodierunt *Digressiones in Humaniora Juris*, quarum argumentum in superioribus circumscripsimus, denuo subiecte typis, alteraque parte, ut & *Dialogo de Ratione docendi discendique Juris*, auctiores; nunc ferè ante septennium evulgatae. Altero post biennio natus est elegans *Tractatus Juridicus*, speciali mandato Nobilissimæ Familiæ Camminganæ conscriptus, quo tuetur ejusdem Illustri Familiae jus Hæreditarium in Amelandiam, è regione Litoris Frisici sitam insulam, contrà illos, qui Jure Feudi Cesarei dependentis ab Imperio Germanico hanc insulam aggredi & occupare conabantur. Annus LXXVIII protulit *Prælectionum ad Institutiones Justinianæ* Tomum primum, unâ cum *Positionibus ad Institutiones Pandectas*, quarum haec deinceps iterum tertioque typis descriptæ. Annus LXXXII, quo Defuncto nostro nova apud Academiam otia facta sunt, dedit nobis *Auspicia Domestica*, hoc est, cum Orationes elegantes tum Collationes eruditas, quibus Ampliss. Exsenator Scholas suas Academicas denuò aperuit: præter *Vindicias Juris Amelandici*, quibus denuò antiquam hujus insulæ Libertatem, Romanâ nunc linguâ, adseruit, quod ipsi negotii dederant Generosissimæ Barones Swartschenburgicæ, novissimi Amelandiæ Domini Hæredes. Quæ post biennii interstitium exceptit *Jurisprudentia Frisica*, vernaculo idiomate complexa Jus Frisicum cum Romano collatum, & exemplis Fori hodierni illustratum: idque post alterius biennii intervallum Opus majus, quod *Jurisprudentia Hodierna* inscriptum duobus tomis majore forma in lucem exiit; æterni usus, cum nullo illius generis alio comparandum: fructus vigiliarum & observationum illius triennii, quod apud Curiam egit Leovardensem. Sequens Annus præter repetitam *Digressionum* Editionem novam dedit terioremque Editionem *Prælectionum ad Institutiones*, cum duobus aliis tomis *Prælectionum*

ad

F U N E B R I S.

17

et Pandectas, qui Commentarii instar in omnes Pandectarum Libros Juris disciplinam totam illustrant. Aures Veitiae mihi jam gravatae videntur, Audd. nec pluribus capiendis esse. Vos nempe citius fatigamini titulis Librorum compositorum commodo vestro excipiendo, quam in *Margesim*, in illis elaborandis. Ergo ne patientiae Vestrae pluribus molestus sim, habete brevibus, Anno LXXXVIII emissum esse Tractatum de *Fæderibus & Testamento*, quo nobilissimas illas materias, in quibus Evangelicæ Doctrinae cardo vertitur, ex Juris disciplinâ illustrare laboravit: Post lapsum autem inde quadriennium Tomos tres, quibus Universam *Historiam Civilēm à Mundo condito usque ad hujus seculi medium summo descriptis judicio. Quibus nunc tandem omnibus accedit vastum illud Opus Disputationum Eunomicarum*, cui immortuus est, ad Legum Romanarum auctoritatem rationalitatemque à Doctorum censuris aut cavillis vindicandam, comparatum, quarum Ille anno superiore inauditâ usus diligentia dederat triginta; acsi jam tum præsensisset, ob instans datum solito sibi magis festinandum esse. Quos jam Libros plerosque si ex communi famâ & Doctorum judiciis intellecteritis elegantiore stylo, quæsito rerum delectu, & magnâ arte atque eruditione elaboratos: quis Vestrum mecum hoc diligenter exemplum non stupeat, & hunc demum non judicet Virum totum dignum honoribus, qui tantâ aliis maiore fuit capacitate mentis, & tanto ceteris plus tulit laborum? Imo magis miremini, si ex me intellecteritis, hæc Opera non tantum ab ipso esse edita inter frequentissimas Institutiones Domesticas, quæ magnam sibi solidi diei vindicarunt partem, & inter Consilia Juridica, sive ore sive scripto exponenda, ob quæ frequens adibatur, aliaque majoris momenti negotia Civilia, ad quæ feliciter terminanda prudentia ejus requirebatur, sed & inter quotidianas Filiorum imo totius Familiæ ejus institutiones, quibus statim diei horis vacavit. Florentissima nimirum illi proles ex secundis nuptiis, ad quas post habendas luctui per quinquennium à dissoluto priore matrimonio laxatas animum adjecerat; dissipata sibi Virgine electæ formæ, probatae indolis, virtutisque ad rem familiarem singularis, generis denique & Familiæ inter nos honestæ admodum & Conspicuae, *Juditha vander Ley*, cui pater Spectatissimus Vir, *Georgius vander Ley*, Solerti ingenii & Judicii exacti Jureconsultus, qui secundâ existimatione multaque cum laude causas primò oravit apud Suprematum Batavorum tum Frisorum Curiam, deinde Docecesi Danthumadeelanæ à Secretis fuit; cuius pater *Johannes vander Ley*, Mathematicus insignis, sedulam navavit operam, ut artis sue peritiæ rem nauticam & navigationem maritimam promoveret; quem ejus laborem atque industriam eximiâ prosecuti liberalitate Foederati Belgii Ordines, ipsi decreverunt honorarium annum mille ducentorum Carolinorum, quoad in rebus humanis supereisset, eodem privilegio in liberos illius atque nepotes propagato: Avus, *Henricus vander Ley*, eâ inter Cives suos dignitate floruit superiore seculo, ut juxta cum aliis Frisiae nostræ Proceribus delegatus fuerit ad Celeberrimum illum Conventum Trajectinum ad Rhenum, Fœderique inter Belgij Civitates Liberas ibidem pacto, quo adhuc dum stat Belgij Liberi Respublica, subscriperit; fidem quoque hujus rei in Historiâ Frisicâ faciente *Wensem*. Hanc ille Matronam, decore & virtute ornatissimam, nuper admodum asperum eluctatam morbum ipse nunc tristis fato prævenit,

C

nit,

nit, & mœstissimam post se reliquit viduam, frustrà lachrymis & gemitibus amantissimi mariti sui umbram, dum ipsum corpus abest, insequentem. Quod Matrimonium ut floruit Conjugum concordiâ & mutuis amoribus, sic, ut dixi, beatum fuit divite prole, & longâ serie benedictionum, quibus illud Deus singulari suâ Providentiâ prosequutus est. Ex liberis superstites sunt Filii tres, *Zacharias*, Juris Utriusque Doctor, & ad ejuſdem Facultatis Extraordinariam nuper, modò Ordinariam Professionem, magnâ Illustrium Academiæ Procerum generositate vocatus; Vir Doctissimus & hoc munere dignissimus, nostra nunc potissimum & pubis Academicæ spes: *Georgius*, ejusdem Scientiæ studiosus Cultor, qui se nuper luculentis profectuum speciminibus non degenerem probavit Parentis sui Filium; & *Renatus*, blandus puer rectæque indolis, atque omnia de se præclara promittens, tanti doloris, quanti ille cauſas præcærteris majores habet, nondum per ætatem capax. Filiæ tres, *Suffrida*, *Agnes*, *Titia*, non modò corporis decore, sed & animi bonis donisque raris, ingenio, pietate, virtute, modestiâ, excellentes; Liberi omnes, per disciplinam Prudentissimi Parentis ad magna instructi, tanto Parente dignissimi, ejusque Virtutum æmuli, absque ullâ, quod rarissimum, Familiæ maculâ. Filios quidem suos doctrinarum capaces Latinæ Græcæque Lingue Præceptis instruxit ipse & exercuit: & de cætero nullus illi dies sano præterlabebat, quin, si domi adesset, horis matutinis, tum precibus solennibus, tum etiam lectione & expositione insignioris cuiusdam partis Scripturæ Sacrae, domesticis suis omnibus ad fidei virtutisque studium præiret; neque illud temerè, licet mole negotiorum obrutus, neglexit, imo procul omnes abesse jussit, qui ipsum Divino hoc in opere morabantur. O exemplum Jureconsulti, cujusmodi pauca in mundo extant! Qualis tu fuisti, HUBERE, quales nos esse convenit? Quot non tu Jureconsultos, imo quot non confundis Theologos? Cum his nunc comparari velim singulare Personæ ejus decus, & sumمام, quæ in vultu, moribus, dictis, conspicua fuit, gravitatem. In privo commercio de aliis raro sermones serebat quam de seriis, sive de Sacris & Politicis, sive de animi sui statu atque regimine; nunquam certè, de quibusunque etiam differeret rebus, nisi serio & graviter. Parcus illi risus, infrequens cachinnus. Adulatorem non ferebat, prohibebat gravitas adulari aliis. Quanta illi gratia & dicendi vis, modò ad dicendum serio animum applicaret; quanta animi in dicendo præsentia, omnes Vos nostis, Audd. quotquot illum vel in Senatu Collegiæ variis occasionibus dicentem, vel in Auditoriis doccentem audivistis discipuli. Magna illi promptitudo ingenii in inveniendis rerum argumentis; magna animi capacitas in diligendis, magna memoriæ tenacitas in reservandis & expromendis: quomođo ego illum duas Orationes (alteram de *Pædazifino*, majore cum gratiâ & libertate, quam ab ullo unquam Ordinis nostri Viro:) absque ullo memoriæ subſidio recitantem audivi. In docendo planus & clarus, nullâ usus circumlocutione; in disputando ob summam mentis soleritiam & perspicaciam felicissimus. Declamatiunculas in Senatu Promotionum tempore habendas, casibus subinde inexspectatis, raro meditabatur ante instans celebrandæ illius solemnitatis tempus; nec aberant tamen varietas & cultus. Nullo casu, licet insolentio-

F U N E B R I S.

19

tiore & majoris contemplationis, quales novissimis hisce annis plures accide-
runt injucundi, facile percellebatur, sed æquam semper in rebus arduis serva-
bat mentem. In primis in familiari consuetudine Socratis madebat sermoni-
bus, & admirari solitus fui acre illus de rebus quibusvis facris & civilibus ju-
dicium, per quod ex præsentibus & præteritis futura Vatis instar certðaugura-
batur. Cum enim Historiam omnis temporis, non recentiorem minus quam
antiquam, animo suo complecteretur, & res mundanæ ferè iisdem semper vol-
vantur rotis: facile illi fuit, quæ fuit acrimonia judicii, præsentium & præte-
riorum institutæ comparatione, rerum eventus, non nimis ab humanâ per-
ceptione remotos, discernere & præfigire. Tandem etiam hoc addam, in vi-
tu nullum quæsivisse delectum, sed gulæ irritamenta æquè ac commoditates
vitæ, non nimis necessarias, adspersatum esse; & scientem Tertulliani illud;
Libidinem & luxuriam ventris castigatione frigescere: passim vigiliis, & non
raro jejunis, libidinem prævenire, vel extinxisse. Quæ singula & universa de-
cuss illi & existimationem apud omnium Ordinum homines, Literatos imprimis
& Juris tam Divini quam Humani peritos, conciliarunt maximam. In Acade-
mia quidem magnus semper ad eum fuit concursus non nostræ tantum gentis Juve-
num, Frisiorum & Belgarum, sed Exterorum quoque, quos nominis atque
eruditionis ipsius celebritas ex Germaniâ, Sarmatiâ, Anglia, & Scotiâ, allicie-
bat. Qui hac tempestate Rempublicam aut Curias Juridicas in Patriâ nostrâ
regunt, cauissisque apud eas patricianunt, quos inter multi sanè sunt egregii
& præclarí Viri, maximam partem omnes Civilis sapientiæ Præcepta ex canto
& docto ejus ore hauserunt. In Foris autem Curiisque Septem Federatarum
Civitatum Belgicarum tanta fuit Huberiani Nominis auctoritas, & peritiæ pru-
dentiaeque ejus existimatio, ut Caussarum Defensores ad scripta judiciaque HU-
BERI nostri in dubiis implicitisque casibus dudum instituerint provocare, eum
que inter clarissima Cujacii, Donelli, Vinnii, Gothofredi, Wilembachii, no-
mina omni die appellare, quem honorem paucissimis Jurisconsultis ante Fatum
suum obtингere, (quando nimirum, pressâ invidiâ, Magnorum Virorum me-
rita æquiore judicio ponderari solent:) non semel ex aliis intelligere memini.
Quod si alio etiam arguento firmari opus sit: dabo Vobis singulare illud &
verè notabile, quod quater per vitam suam tam in hac quam in vicinis Belgii Civi-
tatis extra ordinem delectus fuerit Judex ad momentosarum caussarum lites
à judicio ordinario Supremi Senatus terminatas revindendas, quod ajunt; hoc
est, caussam novo liberoque examine instituendâ cognoscendam, & sententiâ ul-
timâ dirimendam. Estque illud sanè huic rei affine, licet alterius ordinis generis,
quod Ecclesia Franekerana pietatis prudentiaeque ipsius eam rationem habuerit ut
illum cooptaverit in venerandum Presbyterium: quo pariter munere per statu-
tum quadriennii tempus decorâ gravitate functus est. Tantus hic Vir fuit, Audd.
tantique ingenii & decoris, cuius excessum hoc tempore suspiriis, luctu, &
lachrymis nostris, amarè prosequimur. Neque adeo publicas vitae ejus rationes
nunc cum maximè in summam colligere coactus in iis quicquam offendit, quod
alicui videri possit cum tantâ Personæ gravitate dignitateque, & tot virtutibus
non tam probè constare, quam quod novissimis hisce annis, quibus apud Aca-
de-

C 2

demiam egit, se cum Clarissimis quibusdam illius Doctoribus de variis materiis disputando commiserit. in primis quidem de Usu Rationis in *adstruenda summā Divini Verbi auctoritate*, & de *Prætorio Paulino*. Nam quod ad alteram illam attinet disputationem de sensu Authenticæ *Habita*, (quod salvo honore meritisque Cl. Antecessoris, qui adversas in illis *ā μο. βίοις*; partes sustinuit, dictum sit:) novi ego, &, vel plurimum fallor, vel Deus novit, cui omnia patent arcana, HUBERUM ad illam invitum obtortoque collo raptum esse. De quo quando mihi prorsus filere nefas est, Audd. id quidem Vos primum Vobiscum ut reputetis velim, me, quando de Virtutibus meritisque Amplissimi illius Viri haec tenus apud Vos differui, pro virili eisdem & animi mei conscientiâ, de homine tamen loquutum esse mortali, non de Angelo. Quare si Defunctus noster in his quoque Disputationibus vel affectui aliquid deditset, vel nimio abreptus æstu, ut magna ingenia solent, adversarios non eâ semper moderatione animi accepisset, quam Christianæ disciplinæ rigor exigit, (quod tamen ipsum quantum est suo nunc relinquo loco:) quis id etsi non probet, magnopere tamen miretur? Quotusquisque enim Magnorum Virorum, quibus ingenium severius & acrius, ut Magni quoque Viri suos patiuntur manes, eodem hoc vitio non laboravit? Est tamen hic aliud, Audd. quo Vobis absque ullâ alterius fame obtreccatione, vel arbitrio illarum controversiarum mihi vindicato, satisfacere possim. Sententiam de Divinitate Scripturæ Sacrae ex Testimonio Spiritus S. cognoscendâ, quam ex *Calvino* imbiberat, persuasum sibi habebat nullo modo conciliari posse cum adversâ illâ, quâ Divinitas Verbi Dei non nisi ex Ratione demonstrabilis fertur, quin imo hoc assertum posterius illam manifestò convellere & destruere Gratiam quâ Deus hominem vitiosum & miserum ad imaginem suam instauraturus fidem veritatis obsignat in animis Credentium, cujusque vim & fructum ipse variis casibus expertus erat. Cujus gratiæ virtutem cum à Juvene Philosopho ignorari, & alias etiam per ratiocinii humani frequentiorem commendationem, quam in Christianismo fieri par est, obscurari putaret, hoc se existimavit illius gratiæ gloriæ debere ut illius vindicias in publico susciperet. Quam itaque disputationem quin animo recto, Divinæ studio gloriæ, ingressus sit, haec tenus nunquam dubitavi; etsi de disputationis ipsius momento verecundia in præsentiarum pluribus agere veteret. Porro in exequendis disputationibus pro gloria Dei suscepit eadem HUBERI ratio quæ Calvini, cujus instituta moresque vehementer probabat. Cum in aliis laudem habeat & mundi ægrot: in iis quæ pro Divinâ aguntur gloriâ non pigrè & frigidè sed strenuè procedendum esse arbitrabatur, impedimentis, si quæ in viâ occurrant, & res aliter confici non possit, vi remotis. Quod judicium si quandoque à *Marcovim*; singularibus quibusdam casibus cum Præstantissimis seculi superioris Viris nimis validè applicaverit: (quod rurus meum non est arbitrari:) absit tamen ut propter ea vel existimatio de illius meritis apud nos vilesceret, vel pietatem ejus suspectam haberemus. Imo vero, quæ singulares Defuncto rationes fuerint, causam illam tanto cum fervore, &, quo vidimus, modo, persequendi, ex ipsis ejus scriptis æquâ ponderent mente

F U N E B R I S.

21

te rerum Arbitri; & suum quidem judicium habeant sibi, sed summum de hisce controversiis judicium Deo reservent. De Prætorianâ autem controversiâ, quam inter ipsum & Celeberrimum quandam Doctissimumque Virum, Academiæ pariter nostræ tum temporis Ornamentum, magnâ utrinque & pertinaci animorum contentione hic loci novissimis hisce annis agitatam feriò doluimus, sic existimo; Amplissimum HUBERUM, observationem Perizonianam censurâ notantem, non præcepisse mente, parvam illam scintillam tantum excitaturam esse incendium. Et cum neque mihi conveniat neque hujus etiam sit loci definire, an illic humanitatis, hic honoris & observantiæ debitæ Leges probè observatæ sint, de quo invicem multis expostularunt; neque etiam forte tam accuratè definiri possit, quis ignis occultus tantam flammatum concitaverit, quis aluerit: potius est ut deploremus mortalium miseram fortem, ipsis fato quodam veluti destinatam, quod, cum in mutuam conspirare possent & deberent felicitatem, nunc iis se ultrò privent bonis pacis & concordiæ, in quibus felicitatis humanæ pars consistit maxima. *Dii Jovis in testis*, ut ille ait, *miserantur mortalibus tantos esse labores*. Date igitur Audd. hicaliquid humanæ imbecillitati, quâ parte labes Vobis hærere visa fuerit, & cogitate quod verum est, dum lis ex lite se-rebatur, & neutra pars alteri cedere statutum habebat, casu potius quam consilio factum esse ut hæ literariæ contentiones flamnam ipsarum Partium Adversarum opinione adversus Amicorum vota latius sparserint: quæ tamen res tam non est nova in Republicâ literatorum, ut contrà satis constet à quo tempore renata sunt in Europâ liberalium doctrinarum studia, non paucos exitisse eruditio-ne Clarissimos homines, qui in ejusdem generis conflictibus styli acrimoniam exercuerint vel experti sint, si ita res casusque ferrent.

Protraherem longius meam hanc Orationem, Audd. nec decesset dicendi materia, nisi scirem evitare me prorsus non posse, quin de eo dicam, de quo maximè dicere reformido, hoc est, de ultimo Amplissimi Viri, meique Amici honoratissimi, fato, quod illum tum hisce subduxit litibus, tum longas ejus de maximis Operibus spes præcidit. Scilicet etsi immortale sibi in terris per labores nomen pepererit HUBERUS, terrestrem tamen hanc vitam eo immortalem reddere non potuit. Imo quis dubitet, quin Defunctus infinitis illis occupationibus laboribusque suis, quibus sibi immortalitatem comparavit, mortalitatis fatum acceleraverit? Initium mali à quartanâ febri, cuius primum impetum post novissimas Caniculares ferias sensit, in ingravescente ætate gravioris ut plurimum præfigâ tempestatis, quam tamen valentis naturæ robore & interveniente accurato rituæ instituto superasse visus est. Fruebatur enim cæteroquin Defunctus valetudine ad speciem satis prosperâ & constante, neque haec tenus ulli senectutis vitio succubuerat. Sed post debellatam quartanam „gravioris mali ferocia se manifestavit „(judicium hic sequor Celeberrimi Viri, *Philippi Matthæi*, Medicinæ Pro-„fessoris apud nos Honorarii, Amici admodum colendi:) Humor acris stagnans intra pulmones latentem ibi vomicam produxerat, quæ tandem recru-„descente asperrimâ tussi rupra gravem circa primos morbi dies & præcipitem-„virium exolutionem introduxit, continuò exardescente ardore febrili, factâ-„que secessione colluvie purulenta per vias urinarias, & continuâ ejectione

C 3

, spu-

ORATIO

„sputi purulenti sanguine tinti, accidente crebriore solutione alvinâ turbatâ „que sensuum integritate. Magna mala, Audd. certaque instantis fati prænun- cia, in quibus tamen nullum molestius, quam quod magno huic ingenio vires suas in extremis explicare suæque vim fidei demonstrare datum non sit. Etsi remittentibus subinde ardoribus febrilibus, ubi integer ipsi erat rationis usus, quid animo agitaret volvererque, satis prodiderit. Preces enim, quandiu mens ab æstu febrili conturbata non est, ac vires ipsi constabant, ad Deum fudit ardentissimas, & fusas, à se prædicabat intellectas. *Nostis*, (sic inter alia os pium prædominante ratione:) *Domeſtici mei, quid mihi in universâ vitæ meæ ratio- ne maximè curæ & cordi fuerit: id ipsum nunc ſector, Jefum quæro, mortem non reformato. Alias & hoc ab ipso exceptum est; Sapientiam humanam nimis miseri cum sapientiâ Divinâ; &, Theologos à ſe invicem in multis diſſentire, ſed unum Jefum, unicam eſſe ſalutis viam.* In ultimis quoque, etſi peccatoris furama anguſtia vocem præcluderet, ſignis tamen teſtatum fecit, ſe, quæ à nobis in- geminabantur, quomodounque affequi. Donec tandem, exardeſcente magis magisque febri & fatigente pulmonum oficio, animam ſuam, poſtquam illam Deo commendassimus, & hoc meo ore illi ultimum vale ac Paradíſum con- dixiſsem cœleſtem, Christo Servatori ſuo placide reddidit, a.d. vi. Id. Novemb. horâ circiter matutinâ octavâ; exactis in vitâ ſuâ menſibus ferè octo ſuprà an- nos octo & quinquaginta: relicto nobis ſui ardentissimo deſiderio, fragilitatis humanae irrefragabili argumen- to, & præclaro virtutis exemplo.

Quæ ubi huc uſque proſequutus ſum, Audd. non expectabitis nunc porrò à me, ut magnum hujus luſtuſi caſuſ momentum pluribus verbis explicem. Utique ſi quæ de meritiſ hujus Viri ex vero prædicavi ad animum uestrū refer- tis, & cum inopinato hoc illius obitu comparatiſ, vel lapides eſtiſ, vel luge- tiſ. Si Patriam amatiſ: Patria inſigni nunc caret ornaſto, quo nuper ſuperbiebat. Si Eccleſiam amatiſ, privatam illam videtiſ parte ſuæ communioniſ ex- ternæ ſpectatiſſimâ, quæ exempli pietateque; imo & eruditis Scriptiſ, illi præ- luxit. Si cura Vobiſ ſit Academiæ, orbata illa eſt præcellentissimo Doctore, quo tanquam coruſco ſidere nuper iſtudabatur. Si Juris amatiſ prudentiam, caretis Præceptore, Juvenes, abſit invidia dicto, Doctrinâ & experiētiâ hac in ſcientiâ nulli ſecundo. Si denique aliquâ ducamini reverentiâ & obſervantiâ erga mœſtam Defuncti Familiam, ut Vos duci par eſt, magno illam orbatam videtiſ columine, quo nuper inſigni cum decore ſuſtinebatur. Quas cauſas do- loriſ cum ego omnes ferè cum aliis communes habeam, tum accedit, quod Ego ſpeciatim per hoc fatum privatus ſim amico conjunctiſſimo, cujus mihi com- mercium ut ſuave fuit & ad prudentiæ pietatiſque profectum perutile, ſic valde honorificum censui. Vos tamen, Ampliſſ. Clarifſ. Viri, Defuncti Filii ſuper- ſtitieſ, hoc iictu gravifſimè percelli par eſt, ut Vos perculſos & dolore obrutos video. Parentem amisiſtis verè Parentem; Virum magnum; non glorioſum tantum Vobiſ ſed & bonum; qui pari ſtudio tam ſuam exiſtimationem quam ve- ſtra commoda ſecundum utramque partem quā homines eſtiſ promovit; & quem Vos vicifſim non tantum æſtimastiſ & reveriti eſtiſ, ſed tenerrimo quoque & verè Filiali proſequuti eſtiſ amore, & obſequio conſtan- te. Quis Vos lachrymas- hoc

F U N E B R I S.

23


hoc in casu fundere, quis suspiria ducere miretur; imo quis non vehementer miraretur, si acerbum hoc fatum absque gravi aliquâ commotione exciperetis? Ergo cum luctus mœstitiaque Vestræ rationes ipse ego non inprobem, neque eas proin penitus tollere possim, aut si possim velim: utinam saltem dolori vestro levamen aliquod adferre queam! Nostis, Honoratissimi Amici, absque voluntate Patris nostri Cœlestis ne pilum quidem de vertice nostro cadere, illius Voluntatem sanctam semper, sapientem, quin imo & bonam esse utilemque iis, quos diligit in Christo Jesu. Quod si igitur vero sensu amoris Dei in Christo per Spiritus S. gratiani affecti sitis, ut confido; agnoscite humiles sanctæ hoc, prudentis, & bonæ Voluntatis Divinæ Imperium, Parentemque hunc Vestrum sic lugete, ut Supremum Optimumque Parentum Vestrum Cœlestem ne offendatis. Præterea hoc meditemini, Parentem Vestrum *mortuum esse in Domino*. Quod cum aliás trepidè, hic asseveranter prædicamus. Sed verò beati sunt, qui in Domino moriuntur. Quarè si & Vester Parens verè in cœlis secundum solidissimam fidem Evangelicam beatus agat. Vestro ne facite dolore, ut beatitudinem illi invidere videamini, quem quam maxumè beatum cupere vos & velle oportet. Quin proderit etiam aciem mentis Vestræ non nimis figure in præsente casu, sed illam à præsentibus avertere & declinare ad præterita, gratoque animo considerare non exigua sanè beneficia florentissimæ Familiae Vestræ in hoc Parente Vestro per prolixum annorum tractum collata. Et si omnino ad præsentia respicere velitis, reflectite potius meditationes Vestras ad hoc ipsum Beneficium, quod Divina manus ipsa veluti temperamentum & medicinam doloris Familiae Vestræ nunc recens attulit, Fratre Vestro *Zachariá*, nuper ad Extraordinariam, modò Ordinariam Juris Professionem spectatissimam Celsissimi Principis & Illustrium Academiæ Procerum generositate promoto, ut Parentis Vestrînomen, fama, eruditio, in hac Academiâ perennarent: quod idem Deus felix faustumque esse velit. Utique qui vulnerat idem est Deuscum eo qui sanat; sive vulneret sive sanet, semper à nobis adorandus. Vos interea operam date, ut, quod hactenus fecistis, tanti Parentis decus in Personis Vestris ipsi repræsentetis, ut qui mortuus est, non sanè mortuus, sed in Vobis vivere deprehendatur. Tu quidem, Ampliss. *Hermanne*, ad arduum munus magnisque enecte honores, ut Parentis tui in Te exprimas *Prudentiam*, & Patriæ saluti libertatique diligenter invigilare pergas, ad quod tam naturâ quam institutione & cultu paterno Te instructissimum effecum aliás semper, tum nuper in arduo negotio luculenter probasti. Tu verò, *Zacharia*, nunc Collega conjunctissime, ut Parentis tui *Eruditionem* dotesque æmuleris, & ad eandem assurgas gloriam in literis, eandemque tam Tibi quam Academiæ nostræ celebritatem parias, quam b. m. Parens Tuus tam sibi quam huic Loco conciliavit; cujus tanto nobis spem fecisti majorem, quanto nuper majore plausu Institutiones privatas auspicatus es. Vos verò Ornatissimi Filii, *Georgi & Renate*, ut præclara illa tam Vestri Parentis quam Fratrum Vestrorum vestigia alacriter legatis, ut ad idem honorum culmen olim eadem viâ perveniatis, & Familiae Vestræ decus prævili tueamini. Id ipsum verò est, Audd unde Vos quoque petere velim argumentum consolationis. Parens occubuit: lugemus fatum. Sed en Vobis Phœ-


ni-

ORATIO FUNEBRIS.


nicem alium ex cineribus Defuncti exsurgentem, & spem de se Academiæ facientem maximam! Hunc Vos Filium loco Parentis, cuius dotum virtutum quæ hæres est, colite; Vestrâque facite industriâ frequentiâque, Nobilitissimi Juvenes, ut jacturam, quam Academia in Parente nobis eretto fecit, per Filium, aliosque Clarissimos Viros, huc ad Jus docendum modò vocatos, refræciri gaudeamus. Sic tamen colite Filium, ut præclarum exemplum studiorum & vitæ, quod Vobis in Parente HUBERO descriptimus, nunquam animo Vestro excidere patiamini. Vos præfertim meæ Gentilis homines, Frisi, cujuscunque studii aut scientiæ, videte in exemplo HUBERI, Frisiis magis deesse diligentiam quam facultatem, ut ad magna enitantur. *Dicte*, ait ille, *puer virtutem ex me, verumque laborem: fortunam ex aliis*. Sed ex hoc exemplo, quod ego vobis præmonstravi, utrumque discessis. Inprimis hoc agite, ut cum cujuscunque scientiæ professione conjugatis linceram Reverentiam Numinis, quâ Defunctum Vobis præuentem & ad amplissimos grassantem vidistis honores; abique quâ Dei reverentiâ omnis scientia in stultitiam vertitur, omne studium plus obest quam prodeat. Mortalitatis & fatalis horæ memores sic semper & ubique vivite, ut ultimam quamque lucem tanquam non reddituram consumatis. Imo Domine, doce nos vivere, doce mori. Vivemus autem tum demum, si Tibi vivamus; moriemur, ut nobis mori convenit, si Tibi moriamur. Doce igitur nos omnes Tibi vivere, ut Tibi moriamur, & cum morte majorem & constatiorem luci faciamus felicitatem. Tu interea, HUBERE beate, macte illâ conditionis opumâ forte, quâ inpræsentiarum frueris. Habes quod optasti; quod ardentissimis precibus per totam vitam tuam à Deo effligisti. Versaris liber à corpore mortis apud Dominum. Sæpè mihi non vanus dixeras augur, Te nullam tibi ante mortem in his terris quietem polliceri; quieturum demum postquam hac vitâ defunctus fuisses. Ergo quiesce nunc à laboribus tuis, te non destituturis in die Domini. Nos qui in terris hactenus superstites agimus, ad eandem anhelantes beatitatem, per Divinam allaborabimus gratiam, ut nunc quidem jucundissimo tuo commercio carere coacti, licet spiritu conjuncti, serius ocyu; Tecum in communione ejusdem Domini ad eandem spem gloriose resurrectionis reduniamur. Amen. Vale anima HUBERI beata!


D I X I.





Early European Books, Copyright © 2011 ProQuest LLC.
Images reproduced by courtesy of Koninklijke Bibliotheek, Den Haag.
508 J 65 [2]





Early European Books, Copyright © 2011 ProQuest LLC.
Images reproduced by courtesy of Koninklijke Bibliotheek, Den Haag.
508 J 65 [2]

